



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 859. Usque Ad Annum 887

Fleury, Claude

August. Vind. [u.a.], 1760

VD18 90117875

§. 31. Formosus damnatur.

[urn:nbn:de:hbz:466:1-66112](https://nbn-resolving.org/urn:nbn:de:hbz:466:1-66112)

Sæculum IX. *timus, & promittimus, omnia, quæcum-*
A. C. 876. *que Ecclesiæ & Saluti nostræ proficua im-*
peraveris, esse facturos. Huic Decreto
 subscripserunt Episcopi ex Hetruria, &
 Longobardia septendecim, quorum pri-
 mus est Anspertus Archiepiscopus Me-
 diolanensis. Tum visitur subscriptio u-
 nius Abbatis, Ducis Bosonis, & decem
 Comitum. In eodem Concilio Cano-
 nes quindecim conditi, seu articuli ad
 Disciplinam spectantes, quibus præcipi-
 tur, ut Sæculares viros Ecclesiasticos
 congruo cultu venerentur, Bona Eccle-
 siarum tueantur, atque concordiam in-
 ter Episcopos & Comites foveant. La-
 ci jubentur in diebus Festis Officio Di-
 vino sive in Civitate sive ruri interesse.
 In Domibus non liceat sine Episcopi con-
 sensu Missas celebrare. Episcopi cum
 suis Clericis in Claustro maneant. An-
 tiqui Canones, ne quis Clericus vene-
 tur, aut armatus incedat, renovantur.

§. XXXI.

Formosus damnatur.

Joa. ep. 319. Anno octingentesimo septuagesimo sex-
 to mense Februario Papa datis ad Ce-
 rolum Imperatorem literis contra Gre-
 gorium Ecclesiæ Romanæ Nomenclato-
 rem & Georgium ejus generum quere-
 las movit. Erat vero Nomenclatoris
 Officium, illos, quos Papa mensæ suæ ad-
 hibere

hibere volebat, advocare, & illos exci- Sæculum IX.
 pere, qui ad Papæ alloquium admitti A. C. 876.
 petebant. Gregorius filius fuit Theo-
 philacti, qui olim idem officium obtinue-
 rat. Cum ergo ad Papæ notitiam per-
 venisset, quod Gregorius & ipsius gener
 contra se & Imperatorem conjurassent,
 libello accusationis ad Imperatorem mis-
 so, eos ultima die Martii citari jussit, &
 diem, qua ad dicendam causam venirent,
 præstituit. Illi modeste quidem respon-
 derunt, promittentes, se Papæ obtem-
 peraturos; sed moras deinde nexuerunt,
 & valetudinem simularunt, quod spera-
 rent, Papam cum amicis suis hoc tem-
 poris spatio interfici, aut Saracenis viam
 in Urbem aperiri posse. Cum vero vi-
 derent, Papam provide sibi cavere, &
 judicii diem imminere, communicarunt
 consilia cum Formoso Episcopo Portuen-
 si, Stephano Secundicerio, Sergio Magi-
 stro militum, & Constantina Nomen-
 clatoris filia, a Papa necdum quidem ci-
 tatis, sed perpetuis Imperatoris inimicis,
 qui acriter ejus electioni adversati fue-
 rant.

Hi omnes noctis beneficio usi Roma
 excefferunt per S. Pancratii portam (nam
 claves dolose ad fugam præparatas ha-
 bebant) eamque egressi reliquerunt a-
 pertam, etsi scirent, Urbem circumqua-
 que a Saracenis obsideri. Cunctos quo-
 que

Sæculum IX. que Ecclesiæ thesauros abstulerant. Cum
 A. C. 876. autem Papa ad eorum domos misisset
 duos Episcopos, respondent famuli, ne-
 scire se, quo se Domini sui contulissent.
 Ergo Judicium in aliam diem differtur,
 & postquam eos Papa iterum canonicè
 citari iussisset, congregat Synodum suam
 in Ecclesia S. Dominæ Nostræ ad Marty-
 res, quæ hodie Rotunda dicitur, ibique
 servata Judiciorum forma sequentem
 Sententiam contra Formosum pronun-
 ciat.

Sup. Lib. L.
 §. 54.

*Formosus Episcopus Portuensis ab An-
 tecessore nostro Nicolao beata memoria
 in Bulgariam Legatus, Regem Neophy-
 tum suis fraudibus deceptum, terribilibus
 Sacramentis obstrinxit, ne unquam al-
 lium Episcopum, ipso superstite, a Sacra
 Sede susciperet, & ipse vicissim promissis
 jurans, quantocius ad hunc Regem se re-
 diturum; unde a nobis licentiam, literas
 & necessaria itineri subsidia accepit. Du-
 dum per ambitionem a minori Ecclesia
 ad majorem (videlicet Sedem Apostoli-
 cam) prosilire conatus est. Nunc vero
 sine nostra licentia propriam Ecclesiam
 deseruit, ab Urbe discessit, & contra sa-
 lutem Reipublicæ & dilecti filii nostri
 Caroli, quem elegimus & consecravimus
 Imperatorem, cum fautoribus suis con-
 spiravit. Quare, nisi intra decem dies,
 nempe vigesima nona Aprilis hac Indictio-*

ne nona venerit & se purgaverit, vo-
lumus, ut omni Communione Ecclesiasti-
ca privetur. An istud vos quoque vul-
tis? Omnes responderunt: Volumus.
Et, si intra dies quindecim, proxima die
quarta Maji, in judicium non venerit,
eum ab omni Ministerio Sacerdotali de-
jectum pronunciamus. An & vos pro-
nunciatis? Omnes iterum: Pronuncia-
mus. Et, si intra dies viginti, nempe
nona Maji, non veniat, aut si turbas in
Ecclesia excitet, & contra hanc nostram
Sententiam reclamare voluerit, sine ulla
absolutionis spe anathema sit!

Hic prudentem Lectorem de crimi-
nibus, quibus Formosus in ista senten-
tia titulo contumaciæ lata accusatur, ju-
diciu suum suspendere oportet; nam, Formosus
quæ sequentur, ostendent, quod pro E-
piscopo virtutis & pietatis studiosissimo
habitus fuerit; estque opinioni locus,
crimen ejus maximum fuisse, quod ele-
ctio Caroli Calvi in Imperatorem ipsi
non probaretur.

Papa similem sententiam pronuncia-
vit in Gregorium Nomenclatorem, quod
annis prope octo suis perjuriis, dolis,
avaritia, rapinis Ecclesiam dehonestasset,
quod Summum Pontificatum ambiisset,
quod in Carolum Imperatorem & in Pa-
pam sæpe & graviter deliquisset, quæ ca-
pita publice recitata, quod datam fi-

Sæculum IX. dem fregisset, venturum se, & quæ de
A. C. 876. Ecclesiis aliisve privatis rapuisset red-
 diturum, quod Roma fugisset, ut Judi-
 cium evitaret, & etiamnum Reipublica
 atque Imperatori perniciem moliretur.
 Eadem sententia involvebantur Stephe-
 nus Secundicerius, Gregorii frater, ac-
 cusatus, quod complures Ecclesias spo-
 liasset & expilasset, Georgius Gregorii
 gener, cui adulteria & homicidia & præ-
 cipue, quod Thesaurum Palatii Latera-
 nensis furatus esset, objiciebantur, Ser-
 gius Magister militum, & Constantina
 Gregorii filia, diversorum criminum
 postulati. Unde dignoscitur, quam
 corrupta tunc fuerit Roma, & quam im-
 pune vitia in Pontificum etiam familiis
 regnaverint; nam Georgius olim Bene-
 dicti Papæ neptem uxorem habuerat,
 quam tetro facinore sustulisse dicebatur;
 Sergius vero Nicolai Papæ Neptem du-
 xerat, & utraque maritum locupletave-
 rat. In hos accusatos omnes, nisi ob-
 jecta diluissent intra decem dies, excom-
 municatio, & post dies quindecim an-
 thema perpetuum intorquebatur.

§. XXXII.

Concilium Pontigonense.

Carolus Imperator in Franciam rediit
 Concilium Pontigone, mense Junio,
 Indictione nona, nempe anno eodem
 & tingen-